

აბაშის მუნიციპალიტეტის საკრებულოს

დადგენილება №9
2016 წლის 9 მარტი

აბაშა

„აბაშის მუნიციპალიტეტის 2016 წლის ბიუჯეტიდან მუნიციპალური სოციალური პროგრამებისა და გაცემის წესის დამტკიცების შესახებ“ აბაშის მუნიციპალიტეტის საკრებულოს 2016 წლის 22 იანვრის №2 დადგენილებაში ცვლილების შეტანის თაობაზე

„ნორმატიული აქტების შესახებ“ საქართველოს კანონის მე-20 მუხლის შესაბამისად, აბაშის მუნიციპალიტეტის საკრებულო ადგენს:

მუხლი 1

„აბაშის მუნიციპალიტეტის 2016 წლის ბიუჯეტიდან მუნიციპალური სოციალური პროგრამებისა და გაცემის წესის დამტკიცების შესახებ“ აბაშის მუნიციპალიტეტის საკრებულოს 2016 წლის 22 იანვრის №2 დადგენილებაში (www.matsne.gov.ge, 28/01/2016, სარეგისტრაციო კოდი: 0102500 00.35.110.016236) შეტანილ იქნეს ცვლილება და დადგენილებით დამტკიცებული „აბაშის მუნიციპალიტეტის 2016 წლის ბიუჯეტიდან მუნიციპალური სოციალური პროგრამა და გაცემის წესის“:

ა) მე-13 მუხლის მე-4 პუნქტი ჩამოყალიბდეს შემდეგი რედაქციით:

„4. სამედიცინო მომსახურების პროგრამით ბენეფიციარებს დახმარება გაეწევათ წელიწადში ერთჯერ, ერთგვარ სამედიცინო მომსახურებაზე (მაგ.: მაღალ ტექნოლოგიური გამოკვლევა, გამოკვლევა, ქირურგიული მკურნალობა, ხხივური თერაპია და სხვა), გარდა 0-დან 5 წლის ასაკამდე ბავშვებისა, გადაუდებელი სტაციონარული სამედიცინო მომსახურების შემთხვევაში.“;

ბ) მე-20 მუხლის მე-8 პუნქტს დაემატოს შემდეგი შინაარსის „ბ“ ქვეპუნქტი:

„ბ) 0-დან 5 წლის ასაკამდე ბავშვებისათვის გადაუდებელი სტაციონარული სამედიცინო მომსახურება დაუფინანსებელ წილში განისაზღვროს:

ბ.ა) 50-დან 700 ლარამდე ღირებულების შემთხვევაში - 100%-ით;

ბ.ბ) 701-ლარიდან ზემოთ ღირებულების შემთხვევაში - 80%-ით, მაგრამ არაუმეტეს 2000 (ორი ათასი) ლარისა.“;

გ) 25-ე მუხლის მე-3 პუნქტი ჩამოყალიბდეს შემდეგი რედაქციით:

„3. საგარანტიო წერილის გამოყენების ვადა განისაზღვროს გაცემიდან 3 (სამი) თვის განმავლობაში.“.

მუხლი 2

დადგენილება ამოქმედდეს გამოქვეყნებისთანავე.

აბაშის მუნიციპალიტეტის
საკრებულოს თავმჯდომარე

პაატა ქურდოვანიძე

